

FORMULARI I ANKESËS PRANË AUTORITETIT/ENTIT KONTRAKTOR DHE KOMISIONIT TË PROKURIMIT PUBLIK

Ankesë drejtuar: Autoriteti/Entit Kontraktor dhe Komisionit të Prokurimit Publik

Seksioni I. Identifikimi i ankimuesit

Ankimuesi mund të jetë një ofertues ose ofertues i mundshëm (p.sh. individ, operator ekonomik, shoqatë, bashkim operatorësh ekonomikë)

INTERLOGISTIC

Emri i plotë i ankimuesit (ju lutem shtypeni)

K21605003M

NUIS/NIPT

Autostrada Tirane-Durres, Rruga Dytesore Km 9, Godine 3 kateshe

Adresa

Tiranë

Albania

1001

Qyteti

Shteti

Kodi Postar/Posta

0692085141

Numri i telefonit (përfshirë kodin e zonës)

Numri i faksit (përfshirë kodin e zonës)

info@ilog.al

E-mail

Administrator i deleguar Lorina Lako

Emri dhe titulli i zyrtarit të autorizuar për lëshimin e ankesës (ju lutemi shkruani)

Nënshkrimi i zyrtarit të autorizuar

2023/03/20

Data (viti/muaji/dita)

+355696062914

Numri i telefonit (përfshirë kodin e zonës)

Numri i faksit (përfshirë kodin e zonës)

Seksioni II: Informacion mbi procedurën

Numri i referencës së procedurës/Lotit

Plotësoni numrin e referencës së kontratës në njoftimin e kontratës ose në dokumentin e tenderit.

REF-62412-03-15-2023

Tipi i procedurës për ankesën

Procedure Prokurimi Publik

Tipi i ankesës

Dokumenta Tenderi

Plotësoni llojin e procedurës së përdorur

Open Simple

Autoriteti/Enti Kontraktor

Emri i autoritetit/entit kontraktor që administron procesin e prokurimit.

Bashkia Vau Dejes

Vlera e përllogaritur e prokurimit

Vlera e përllogaritur e kontratës/Marrëveshjes Kuadër (shuma në shifra dhe fjalë)

1500000

Objekti i kontratës/Marrëveshjes Kuadër

Përshkrimi i shkurtër i punëve/mallrave/shërbimeve objekt kontrate/marrëveshje kuadër.

Blerje tonera per printera dhe fotokopje per vitin 2023

Afati i fundit për paraqitjen e ofertës

Data (viti/muaji/dita)

2023/03/27

Data e publikimit të Njoftimit të Fituesit

(Data (viti/muaji/dita) nëse është e zbatueshme)

Data e nënshkrimit të kontratës

(Data (viti/muaji/dita) në rastet e kërkesave për pavlefshmëri të kontratës)

Tipi i kontratës

Data e zhvillimit të procedurës

Mallra

2023/03/27

Numri i njoftimit

Kodi CPV

REF-62412-03-15-2023

30125120-8

Ankese mbi argument në KPP

Seksioni III: Përshkrimi i ankesës

1. Baza ligjore

(Shkelje/arsyetime ligjore, bazuar në vendime, akte, dokumente, etj.)

1. Ligji nr. 162/2021 “Për prokurimin publik”, i ndryshuar
 2. Vendimi i Këshillit të Ministrave nr. 285 date 19.05.2021 “Për miratimin e Rregullave të prokurimit publik” i ndryshuar,
 3. Njoftimi i Agjencisë së Prokurimit Publik nr. 8297/3 prot datë 23.01.2020 me lëndë “Njoftim”
 4. Praktika e KPP (vendimi i KPP-së nr. 400/2022 datë 29.04.2022, vendimi i KPP-së Nr. nr. 1170/2022 datë 24.11.2022)
-

2. Objekti i ankesës

- Modifikim i dokumentave të tenderit
- Kundërshtim i vendimit të Komisionit të Vlerësimit të Ofertave lidhur me skualifikimin e ofertës tuaj.

(Citoni këtu arsyet e skualifikimit)

- Kundërshtim i vendimit të Komisionit të Vlerësimit të Ofertave lidhur me kualifikimin e ofertës të një/disa operatori/ëve ekonomikë pjesëmarrës në procedurën e prokurimit.

(Citoni operatorin/ët ekonomik për të cilin keni pretendime)

- Pavlefshmëri kontrate

(Citoni kontratën për të cilën kërkoni pavlefshmërinë)

- Tjetër

□

(Citoni këtu objektin e ankesës që nuk përfshihet më sipër)

3. Rrethanat dhe faktet □

Përshkruani rrethanat e faktit. □

“OE duhet të deklarojë se emri i kompanisë të tonerit, është i stampuar (jo etikete e ngjitur) dhe i njejtë, në paketim në pjesën plastike dhe në pullën e sigurisë”

? OE duhet të deklarojë se tonerat të jenë origjinal, jo kompatibel, jo të ricikluar, jo të manifaturuar, duhet të deklarojë se deklarojë se Tonerat janë sipas kapaciteteve të kerkuara

4. Argumentime mbi shkeljet e pretenduara

Përshkruani në mënyrë koncize shkeljet e pretenduara, duke argumentuar qartë dhe saktë se përse pretendoni për paligjshmëri në veprimet e autoritetit/entit kontraktor.

Të nderuar zotërinj

Shoqëria “Interlogistic” Sh.p.k me Nipt K21605003M përfaqësuar nga Administratori i Përgjithshëm Z. Edmond Hido, në vijim të procedurës së prokurimit publik “Procedurë e hapur e thjeshtuar”, shpallur nga Autoriteti Kontraktor, Bashkia Vau Dejës, me objekt: “Blerje tonera për printera dhe fotokopje për vitin 2023”, me numer REF-62412-03-15-2023, me fond limit 1 500 000 (një milion e pesëqind mijë) lekë pa TVSH, publikuar më datë 16.03.2023 ora 11:00, referuar në afatin 7 (shtatë) ditore të parashikuar nga Ligji nr.162/2020 “Për Prokurimin Publik“ konkretisht Neni 110 pika 2 i cili citon “Në procedurat e prokurimit mbi kufirin e lartë monetar, në rastin e ankesave për vendimin e vlerësimit/klasifikimit përfundimtar, operatorët ekonomikë kanë të drejtë të ankohen brenda 10 ditëve nga publikimi i njoftimit të fituesit ose publikimi i njoftimit të anulimit. Në procedurat e prokurimit nën kufirin e lartë monetar ky afat është 7 ditë”, lidhur me të drejtën e ankimit pas publikimit të dokumenteve standarte të tenderit, po ju parashtrijmë në vijim arsyet ligjore ku bazohen këto kundërshtime:

Në shtojcën 7 “Formulari i Kritereve të Përzgjedhjes/Kualifikimit”, Kriteret të tjera të veçanta për kualifikim është kërkuar nga ana Juaj si më poshtë:

“OE duhet të deklarojë se emri i kompanisë të tonerit, është i stampuar (jo etikete e ngjitur) dhe i njejtë, në paketim në pjesën plastike dhe në pullën e sigurisë”

Në lidhje me togëfjalëshin “dhe në pullën e sigurisë” pretendojmë se vendosja e një specifikimi të tillë nuk është i përshtatshëm për arritjen e synimit të autoritetit kontraktor, për verifikimin e përputhshmërisë së produkteve, kjo pasi plotësimi i kërkesës së mësipërme nuk varet nga vullneti i operatorëve ekonomikë pjesëmarrës për hartimin dhe dorëzimin e ofertave në përputhje me kërkesën e autoritetit kontraktor. Sjellim në vëmendjen tuaj, për llojet e tonera që keni kërkuar, se prodhuesi i tonerave Ricoh dhe Toshiba nuk aplikon pulla sigurie në paketimet e tyre. Në këtë rast gjykojmë, se autoriteti kontraktor duhet të modifikojë specifikimin e lartpërmendur me qëllim që të përcaktojë se kërkesa e tij për pulla e sigurisë nuk i takon domosdoshmërisht paketimit

të tonerit, pasi ajo mund të jetë e vendosur në ambalazhin e tonerit ose në trupin e tonerit brenda ambalazhit, në varësi se si aplikohet nga prodhuesi dhe për autoritetin kontraktor e rëndësishme është, që pavarësisht mënyrës që prodhuesit zgjedhin për vendosjen e pullës së sigurisë, të garantohet që përmes produktit të ofruar, përmbushen kriteret dhe specifikimet teknike të kërkuara.

Për sa argumentuam më sipër kërkojmë heqjen e kësaj kërkesë si një element diskriminues dhe jo në përpjestim me natyrën dhe përmasat e kontratës që po prokurohet.

Pretendimet e mësipërme legjitimohen nga vendimi i KPP-së nr. 400/2022 datë 29.04.2022.

Gjithashtu në shtojcën 7 “Formulari i Kritereve të Përzgjedhjes/Kualifikimit”, Kriteret të tjera të veçanta për kualifikim është kërkuar nga ana Juaj si më poshtë:

? OE duhet të deklarojë se tonerat të jenë origjinal, jo kompatibel, jo te ricikluar, jo te manifaturuar, duhet të deklarojë se deklarojë se Tonerat janë sipas kapaciteteve të kerkuara

Në lidhje me kriterin që “?.tonerat duhet të jenë original, jo kompatibël, jo të ricikluar, jo të manifaturuar?..”, kriter i vendosur për të gjithë llojet e tonerave të kërkuar nga ana e Juaj, kërkojmë që ky specifikim të ndryshohet/modifikohet duke shtuar fjalën ekuivalent, kjo e sanksionuar në njoftimin e Agjencisë së Prokurimit Publik nr. 8297/3 prot datë 23.01.2020 me lëndë “Njoftim”. Sipas këtij njoftimi çdo autoritet kontraktorë që kërkon tonera original duhet të përfshijë edhe fjalën ekuivalent gjë të cilën institucioni Juaj nuk e ka përfshirë.

Kërkesa Juaj për tonera original pa përfshirë termin ose ekuivalente çon vetëm tek prodhuesit e pajisjeve, për të cilat kërkohen tonera, duke shmangur prodhues të tjerë që ofertojnë tonera ekuivalent me origjinalitet, veprim i cili sjell si pasojë kufizimin e pjesëmarrjes së operatorëve ekonomikë.

Në lidhje me gjithë sa trajtuam, theksojmë se të njëjtin qëndrim ka mbajtur edhe Komisioni i Prokurimit Publik me vendimin nr. 1170/2022 datë 24.11.2022

Gjithashtu vendosja e kritereve të tilla bie në kundërshtim;

? Me nenin 2 të ligjit nr. 162/2020 ‘Për prokurimin Publik’ parashikohet shprehimisht se: “Qëllim i këtij ligji është:

- a) të rrisë efikasitetin dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
- dh) të sigurojë integritet, besim publik dhe transparencë në procedurat e prokurimit publik.”

? Me nenin 3 “Parime të përgjithshme” të ligjit 162/2020 “Për Prokurimin Publik”, parashikohet shprehimisht se:

1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale.
2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar.

3. Autoritetet dhe entet kontraktore janë të detyruara të zbatojnë detyrimet e përcaktuara në legjislacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën.”

? Me Nenin 21 pika 1 “Autoriteti ose enti kontraktor” i ligjit 162/2020 “Për Prokurimin Publik”, parashikon shprehimisht se: Autoriteti ose enti kontraktor është përgjegjës për prokurimin në përputhje me dispozitat e këtij ligji dhe të akteve nënligjore të nxjerra në zbatim të tij, duke garantuar respektimin e parimeve të trajtimit të barabartë, transparencës, konkurrencës dhe mosdiskriminimit, të parashikuara në këtë ligj.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.

Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën.

Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

? Me nenin 77 “Kërkesat për kualifikim”, të ligjit nr.162/2020 “Për prokurimin publik”, parashikohet shprehimisht se: Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;
- b) gjendjen ekonomike dhe financiare;
- c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

Nga interpretimi i bazës ligjore të sipercituar, kriteret për kualifikim vendosen për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Bazuar në ligjin dhe rregullat e prokurimit publik, është në të drejtën e autoritetit kontraktor të përcaktojë kriteret për kualifikim, gjithnjë kur ato janë të nevojshme dhe të lidhura ngushtë me objektin e prokurimit, bazuar në legjislacionin për prokurimin publik duke mos i tejkaluar kufijtë maksimalë të përcaktuar në këtë të fundit, në funksion të qëllimit dhe parimeve të ligjit për prokurimin publik. Autoriteti kontraktues është organi përgjegjës për prokurimin e fondeve publike, në përputhje me dispozitat ligjore e nënligjore në fuqi ndaj dhe përcaktimi i kriterëve të veçanta për kualifikim është lënë nën përgjegjësinë e autoritetit kontraktues, gjithnjë në përputhje e përpjesëtim me objektin e natyrën e kontratës së prokurimit.

Gjithashtu nga analizimi i procesverbalit për argumentimin dhe miratimin e specifikimeve teknike dhe kriterëve për kualifikim sipas shtojcës për ndryshim, gjykojmë se autoriteti kontraktor në asnjë rast nuk ka argumentuar teknikisht se si ndikojnë kriteret për kualifikim të atakuara nga ana jonë,

në funksionalitetin e artikujve dhe çfarë pasojash sjell në përdorimin e këtyre artikujve modifikimi i këtyre kriterëve.

Modifikimi i kriterit dhe specifikimeve teknike të lartpërmendur nga ana e autoritetit kontraktorë, të atakuara më lart, bën të mundur shmangien në kufizimin e konkureshmërisë duke mundësuar një konkurim të drejtë, të hapur dhe sa më gjithëpërfshirës, të barabartë dhe jo diskriminuese për të gjithë operatorët ekonomikë të interesuar.

Për të gjitha sa u parashtruan më sipër, në zbatim dhe përputhje me Ligjin nr. 162/2020 “Për Prokurimin Publik”; Njoftimi i Agjencisë së Prokurimit Publik nr. 8297/3 prot datë 23.01.2020 me lëndë “Njoftim”: vendimi i KPP-së nr. 400/2022 datë 29.04.2022, vendimi i KPP-së Nr. nr. 1170/2022 datë 24.11.2022, kërkojmë që Autoriteti Kontraktor, Bashkia Vau Dejës, të ndryshojë kriteret e atakuara më mësipërm si të pabazuara në ligj dhe në prova në mënyrë që të rrisë konkurrencën ndërmjet operatorëve ekonomikë.

Duke Ju falënderuar për bashkëpunimin,
Tiranë me 20.03.2023

5. Kërkesë për ekspertizë të posaçme

Po

Jo

(Nëse po, specifikoni llojin e ekspertizës që kërkon)

6. Kërkesë për përjashtim të zyrtarëve që do të merren me shqyrtimin e ankesës:

JO

7. Lista e informacionit konfidencial:

NA

Përcaktoni se cili informacion është konfidencial, nëse ka. Shpjegoni pse informacioni është ose një version i dokumenteve përkatëse me heqjen e pjesëve konfidenciale dhe një përmbledhje të përmbajtjes.

Kujdes: Ankimuesi duhet t'i bashkëlidhë ankimit, që do të paraqesë në autoritetin/entin kontraktor dhe Komisionin e Prokurimit Publik, dokumentin bankar që vërteton pagesën e tarifës përkatëse për ankesën pranë Komisionit të Prokurimit Publik

Dërgojeni formularin e plotësuar të ankesës së prokurimit, të gjitha shtojcat e nevojshme dhe kopjet shtesë, pranë **Autoritetit/Enti Kontraktor dhe Komisionit të Prokurimit Publik**.

Shënim: Ankimuesi duhet ta dërgojë njëkohësisht ankesën në autoritetin/entin kontraktor dhe Komisionin e Prokurimit publik

Nr. i faksit:

E-mail:

info@ilog.al

Nënshkrimi dhe vula e Ankuesit

Administratori/Përfaqësuesi i autorizuar

Edmond Hido